

ТУУДЖИН БАГШНРИН СЕМИНАР

Одахн Элст балгъснд, багшнрин медрл өөдлүүлгънә танъгъчин институтд, тууджин багшнрин дөрвн хонга семинар болв.

Эн семинарт ирсн багшнрт, өдгә цагин нарт делкән бәәдлин тускар КПСС-н Ставропольск крайкомин лектор Митин лекц умшв. Хальмг келн-әмтнә болн хальмгин эдлджәх газр-усна туск тууджар КПСС-н танъгъчин оргбюрон сегләтр үр Джимбинов Б. О. лекц умшв.

Алдр Октябрьск социалистическ революцин чинрин тускар, Ставропольск крайд советин йосн ягъдж токтсна тускар болн школмудар туудж даслгъна эв-аргъин туск шишлнъ төрмүдәр кесг лекцс эн семинарт умшгдв.

Танъгъчин школмудар кәдлджәх тууджин багшнрт эн семинар ик дөнъ болх зөвтә.

А. СЕМЕНОВА.